

ՀՀ ՓՈՐՁԸ ՄԻՋԱԶԳԱՅԻՆ ԲՆԱՊԱՀՊԱՆԱԿԱՆ ՇՐԱԳՐԵՐԻ ԻՐԱՑՄԱՆ ԳՈՐԾՈՒՄ

Մարդկային հասարակության զարգացումն ուղեկցվել է տնտեսական, սոցիալական, բնապահպանական խնդիրների օպտիմալ ու արդյունավետ լուծումների որոնմամբ: Չարգացման ներկա ժամանակաշրջանն առավել մտահոգիչ է, և մարդկության զգալի մասը գիտակցել է, որ կանգնած է ընտրության առջև՝ գլոբալ աղետ, ինքնառնչացում, ավանդական սկզբունքների պահպանում կամ նոր զարգացման իրականացում:

Համաշխարհային տնտեսության տեխնոգեն տիպի անվերահսկելի զարգացումը բերել է գլոբալ էկոլոգիական խնդիրների առաջացմանը, որոնցից յուրաքանչյուրը կարող է հանգեցնել մարդկային քաղաքակրթության ոչնչացման: ՀՀ-ում բնական էկոհամակարգերի տարածությունների կրճատումը, մթնոլորտի աղտոտումը, հողերի վատթարացումը, անապատացումը, կենսաբազմազանության կրճատումը և այլ խնդիրներ վկայում են էկոլոգիական լուրջ ճգնաժամի մասին:

Իրավիճակը ոչ միայն տպավորիչ է, այլ նաև խիստ անհանգստացնող, քանի որ շրջակա միջավայրում տեղի ունեցող գլոբալ փոփոխություններն ուղղակիորեն ազդում են տնտեսության և մարդկանց առողջության վրա: Եվ, բնականաբար, մարդկությունը այսօր կանգնած է էկոլոգիական ճգնաժամի առջև, որն արդեն դիտարկվում է որպես ժամանակակից քաղաքակրթության առավել վտանգավոր համընդհանուր խնդիր:

Էկոլոգիական ճգնաժամը կարող է վերածվել մարդկության համար անվերադարձ ու կործանարար աղետի, հետևաբար, միջազգային հանրությունը պետք է միջոցներ ձեռնարկի և կանխարգելի դրա հետագա զարգացումը:

Այսօր աշխարհում հասունացած հիմնախնդիրներն ունեն փոխկապակցված բնույթ: Տեղական, տարածաշրջանային և համաշխարհային մակարդակներում այդ հիմնախնդիրների առանձնահատկություններով և միմյանցից կախվածությամբ պայմանավորված է համագործակցության անհրաժեշտությունը:

Չարգացման ներկա փուլում, Հայաստանի Հանրապետության բնապահպանական հիմնախնդիրներից կարելի է առանձնացնել շտապ լուծում պահանջող հետևյալները՝ Սևանա լիճ, կենսաբազմազանություն, մասնավորապես, անտառների պահպանություն, մթնոլորտի աղտոտվածություն, հատկապես այս առնչությամբ Երևանում առաջացած նոր խնդիրներ՝ թափոններ և անապատացում, ջրային ռեսուրսների գերշահագործում: Այս և այլ բնապահպանական խնդիրներով զբաղվում է ոչ միայն ՀՀ բնապահպանության նախարարությունը, այլև այլ գերատեսչություններ:

Բնության պահպանությունը, բնական ռեսուրսների արդյունավետ օգտագործման կառավարումը յուրաքանչյուր երկրի ռազմավարական կարևորագույն խնդիրներից է: ՀՀ օրենսդրության համաձայն՝ պետությունը պետք է պահպանի շրջակա միջավայրը, ինչպես նաև երաշխավորի բնական ռեսուրսների ռացիոնալ օգտագործումը և վերարտադրողականությունը:

Այս նպատակով, ՀՀ բնապահպանության նախարարության մասնագետները՝ ներգրավելով երկրի գիտական ներուժը, մի քանի տարի շարունակ կատարել են ուսումնասիրություններ՝ բնապահպանական հիմնախնդիրների պարզորոշելու ուղղությամբ: Դրանից հետո սահմանվել են այն առաջնահերթ քայլերը, որոնք հարկավոր է ձեռնարկել՝ երկրում բնապահպանական և բնական պաշարների օգտագործման կառավարման անհրաժեշտ բարեփոխումներ իրականացնելու համար:

Այս ուսումնասիրությունների արդյունքները և առաջարկներն ամփոփվել են «Շրջակա միջավայրի պահպանության գործողությունների ազգային ծրագրում»: Ծրագիրը կազմվել է 1998թ.-ին և վերանայվել՝ 2004թ.-ին ՀՀ կառավարության կողմից: Այս ծրագրին անհրաժեշտ օժանդակություն են ցուցաբերել Համաշխարհային բանկը և արտասահմանյան մի շարք փորձագետներ:

Շրջակա միջավայրի պահպանության գործողությունների Ազգային ծրագրի ընդունման տրամաբանական շարունակությունը ՀՀ բնապահպանության նախարարության հովանու ներքո իրագործվող «Բնական պաշարների կառավարման և աղքատության հաղթահարման» ծրագիրն է: Ծրագրի գործողությունները նպատակաուղղված են ՀՀ Գեղարքունիքի և Տավուշի մարզերում բնական պաշարների կայուն կառավարման մեխանիզմների ստեղծմանը և դրանց իրականացման միջոցով աղքատության նվազեցմանը: ՀՀ կառավարությունը ծրագրի իրականացման առաջնահերթությունը տվել է այս մարզերին, քանի որ Տավուշի մարզում է գտնվում հանրապետության անտառների ամենամեծ տարածքները, իսկ Գեղարքունիքի մարզում՝ ռազմավարական նշանակություն ունեցող Սևանա լիճը: Միաժամանակ, երկու մարզերում էլ արձանագրվել են հանրապետությունում աղքատության միջինից բարձր ցուցանիշներ (Տավուշում՝ 72 %, Գեղարքունիքում՝ 65%): Ծրագրի տարածքում են գտնվում երկու կարևոր պահպանվող տարածքներ՝ «Դիլիջան» և «Սևան» ազգային պարկերը:

Ներկայումս ՀՀ-ում բնապահպանական ծրագրերը, բացի պետությունից, ֆինանսավորվում են նաև միջազգային հատկացումների միջոցով: ՀՀ-ում միջազգային հատկացումները բնապահպանական ծրագրերին կարող են կատարվել թե՛ կառավարական, և թե՛ ոչ կառավարական մակարդակով: Ներկայումս ՀՀ-ում առկա

են որոշ միջազգային կազմակերպությունների և ֆոնդերի գրասենյակներ կամ ներկայացուցչություններ (USAID, World Bank, UNDP, OSCE, Eurasia, REC Caucasus և այլն), զարգացած երկրների դեսպանատներ, որոնք դրամաշնորհային ծրագրերի մրցույթներ են հայտարարում տարբեր բնապահպանական ոլորտներում: 2002-2009թթ. դրամաշնորհային ծրագրերի ֆինանսավորումը միջազգային դոնորների կողմից կազմելու է մոտ 8,5 մլն ԱՄՆ դոլար: Շատ կարևոր է նաև զարգացման «Բնական պաշարների կառավարման և չքավորության միջոցառում» վարկային համաձայնագրի ստորագրումը, որով մոտ 8,4 մլն ԱՄՆ դոլար վարկ է տրամադրվելու և ՀՀ կառավարության ֆինանսավորումն այդ ծրագրում կազմել է 1,5 մլն ԱՄՆ դոլար:

Հայաստանի Հանրապետությունը 1992թ.-ից ի վեր հետևողականորեն զարգացնում է միջազգային համագործակցությունը բնապահպանության ոլորտում: Այս գործընթացի ազդակը 1992թ. ՌԻՈ դե Ժանեյրոյում կայացած «Շրջակա միջավայր և զարգացում» ՄԱԿ-ի համաշխարհային գագաթնաժողովն էր: Դա շրջակա միջավայրի հարցերով առաջին և խոշորագույն համաժողովն էր, որին Հայաստանը մասնակցում էր անկախ պետության կարգավիճակով և որի սկզբունքները շրջակա միջավայրի պահպանության և կայուն զարգացման բնագավառում ընդունվեց որպես հետագա գործողությունների հիմք:

Ընդհանուր առմամբ միջազգային բնապահպանական համագործակցությունը պայմանավորված է երկրի բնապահպանական գերակայություններով, աշխարհագրական դիրքով, այլ երկրների հետ ընդհանուր էկոլոգիական խնդիրների համատեղ լուծման անհրաժեշտությամբ, ինչպես նաև երկրի տնտեսական կարգավիճակով:

Գործողությունների ազգային ծրագրով նախատեսված է բնապահպանական և բնօգտագործման միասնական պետական քաղաքականության ապահովման իրականացում, պետական կառավարչական համակարգի բարելավում, որոնք պետք է ուղղված լինեն բնապահպանական խնդիրներով զբաղվող կառույցների գործունեության համակարգմանը:

1991թ.-ից «Շրջակա միջավայրը Եվրոպայի համար» ծրագիրը ծառայում է որպես տարածաշրջանում էկոլոգիական քաղաքականությունը բարելավելու հիմք: ՀՀ-ը մասնակցել է Եվրոպայի շրջակա միջավայրի նախարարների 2-րդ, 3-րդ և 5-րդ համաժողովներին: 4-րդ համաժողովին ՀՀ-ը ներկայացրեց «Շրջակա միջավայրը Եվրոպայի համար» ազգային զեկույցը:

2003թ.-ին Կիևում Հայաստանի փորձագետները մասնակցել են «Էկոլոգիական ռազմավարական գնահատման վերաբերյալ», «Քաղաքացիական պատասխանատվության մասին» և «Աղտոտիչների արտանետման և տեղափոխման ռեգիստրների մասին» 3 արձանագրությունների մշակման աշխատանքներին: Բոլոր արձանագրությունները ստորագրվել են երկրի կողմից: Կիևում «Շրջակա միջավայրը Եվրոպայի համար» 5-րդ կոնֆերանսի ժամանակ ընդունվեց նաև Արևելյան Եվրոպայի, Կովկասի ու Կենտրոնական Ասիայի (ԱԵԿԿԱ) երկրների համար բնապահպանական ռազմավարության նպատակներին հասնելու համար միջոցառումների ծրագիր, որը հիմք է ՀՀ բնապահպանական ռազմավարության արդյունավետ իրականացման համար:

Ծրագրում ընդգրկված է նաև «Աղբատության հաղթահարման ռազմավարական ծրագիր» բնապահպանական խնդիրներին վերաբերվող կետերի կատարումն 2004-2006թթ.-ին ապահովելու համար ՀՀ բնապահպանության նախարարության կողմից մշակված և ՀՀ ֆինանսների և էկոնոմիկայի նախարարություն ներկայացված միջոցառումները:

Տարածաշրջանի մակարդակով համագործակցությունը իրականացվում է ինչպես տարածաշրջանային ծրագրերում մասնակցության, այնպես էլ առանձին կամ համալիր բնապահպանական հարցերի շուրջ երկկողմանի և բազմակողմանի պայմանագրերի կնքման միջոցով:

1999թ.-ից սկսած բնապահպանական ոլորտում համագործակցության խնդիրները քննարկվում են Հայաստան-Գերմանիա միջկառավարական հանձնաժողովի շրջանակներում:

Հատկանշական է նաև կնքված երկկողմանի պայմանագրերի շրջանակներում 2005թ.-ի 1-ին կիսամյակում ՀՀ բնապահպանության նախարարության կողմից կատարված աշխատանքների ընթացքը՝ «ՀՀ բնապահպանության նախարարության և Ռուսաստանի Դաշնության բնական ռեսուրսների նախարարության միջև ընդերքի և ջրային ռեսուրսների օգտագործման ոլորտներում համագործակցության մասին» համաձայնագիր, Սիրիայի Արաբական Հանրապետության, Եգիպտոսի և ՌԴ-ի հետ պայմանագրերի իրականացումը համակարգելու նպատակով ՀՀ բնապահպանության նախարարությունում ստեղծվել է «ՀՀ բնապահպանության նախարարության և ՌԴ-ի բնական ռեսուրսների նախարարության միջև ընդերքի և ջրային ռեսուրսների օգտագործման ոլորտներում համագործակցության մասին համաձայնագիր», «ՀՀ բնապահպանության նախարարության և Սիրիայի Արաբական Հանրապետության միջև և հանքային ռեսուրսների նախարարության միջև ընդերքի բնագավառում գիտական և տեխնիկական համագործակցության մասին» համաձայնագիր և «ՀՀ բնապահպանության նախարարության և Եգիպտոսի արդյունաբերության և տեխնոլոգիական զարգացման նախարարության միջև երկրաբանության ոլորտում գիտական և տեխնիկական համագործակցության մասին» փոխըմբռնման հուշագրի համակարգող հանձնաժողովի ստեղծում:

Բնօգտագործման ոլորտում միջազգային համագործակցությունը վերջին 20 տարվա ընթացքում կրել է էական փոփոխություններ: Առաջին հերթին դա վերաբերվում է աշխարհագրական ընդլայնմանը՝ այդ գործընթացում ներառվել են նոր երկրներ և տարածաշրջաններ՝ փոխելով համագործակցության ձևերը և մեթոդները, անցում կատարելով մասնավորապես որոշակի տեսակի ռեսուրսների պահպանման կամ օգտագործման պայմանավորվածության: Այդ միտումների հիմքում ընկած է էկոլոգատնտեսական խնդիրների համաշխարհային բնույթը, որը սրվել է ժամանակակից պայմաններում, ինչպես նաև այն փաստի գիտակցումը, որ այդ խնդիրները կարելի է լուծել միայն համատեղ ուժերով: Միջազգային համագործակցության զարգացումը բնապահպանական ոլորտում հեշտացնում է բնօգտագործման շատ հիմնադրույթների ձևակերպումը, ինչպես նաև այդ նպատակին հասնելու ընդհանուր սկզբունքների մշակումը:

Բնապահպանական գործունեությունն ակտիվացնելու համար շատ երկրներում պետական և մասնավոր ֆիրմաներին, առանձին ձեռնարկություններին խթանում են՝ շրջակա միջավայրի պահպանության համար սահմանելով հարկային արտոնություններ և տրամադրելով արտոնյալ վարկեր:

90-ական թվականներին տեղի ունեցած անկայնացումից հետո Հայաստանում սկսվեց պետական կառավարման համակարգի բարեփոխումների գործընթացը, որտեղ էական դեր խաղացին միջազգային կազմակերպությունների կողմից տրամադրված բազմաթիվ դրամաշնորհները և վարկերը, որոնք դոնորների կողմից տրվում էին «կառուցվածքային փոփոխությունների» համար:

Հետագայում միջազգային և սեփական փորձի ուսումնասիրության արդյունքում ռազմավարությունը փոխվեց և հիմա արդեն ինչպես կառավարությունը, այնպես էլ բնակչությունը գիտակցում է էկոլոգիական հիմնախնդիրների գլոբալ լուծման անհրաժեշտությունը:

Պետք է նշել, որ չնայած բնապահպանական միջոցառումների իրականացման համար հավաքագրվող պետական բյուջեի եկամուտների ծավալներ գգալի աճին, ՀՀ-ում դեռևս թույլ է տնտեսական մեխանիզմների կարգավորիչ դերը շրջակա միջավայրի աղտոտման ծավալների նվազեցման հարցում, չի ձևավորված համապատասխան իրավական և կառուցվածքային համակարգ, որը հնարավորություն կընձեռնե բնօգտագործման և բնապահպանական վճարների գծով հավաքագրվող ֆինանսական միջոցները ամբողջովին նպատակաուղղել հանրապետությունում առկա, առաջնահերթ իրագործման կարիք ունեցող բնապահպանական հիմնախնդիրների լուծմանը, նպատակաուղղված միջոցառումների ֆինանսավորմանը:

ՀՀ-ում առկա բնապահպանական հիմնախնդիրները կարող են լուծվել միայն աստիճանաբար՝ հիմնականում տնտեսության զարգացմանը զուգընթաց բնապահպանական ֆոնդերի ստեղծման միջոցով:

Հարավային Կովկասի երկրների տնտեսության զարգացման դինամիկայի կայունացման և Եվրոպական ընկերակցությանն աստիճանաբար անդամակցելու հետ հրատապ խնդիր է դառնում եվրոպական ստանդարտների հետ ներդաշնակեցումը:

Առայժմ, ցավոք, երկրների և միջազգային կազմակերպությունների «Էկոլոգիական բյուջեները» համեմատաբար մեծ չեն, համարժեք չեն առկա էկոլոգիական խնդիրներին, որոնք շարունակաբար ավելանում են: Համեմատության համար նշենք, որ 1970թ.-ին կառավարությունը բնապահպանական միջոցառումների համար ծախսել է 40 մլրդ դոլար, 1980թ.-ին՝ 75 մլրդ, 1990-ին՝ 150 մլրդ, իսկ 2000թ.-ին՝ գրեթե 250 մլրդ դոլար: Ինչպես տեսնում ենք, այդ ծախսերն ընդհանուր առմամբ ավելանում են, սակայն դրանք բավարար չեն առկա և սպասվող էկոլոգիական ճգնաժամերի կանխման համար:

Էկոլոգիական ճգնաժամերի զարգացման անվերահսկելի բնույթը պայմանավորված է այն հանգամանքով, որ զարգացած երկրները զարգացող երկրներին բնապահպանության ոլորտում անհրաժեշտ աջակցություն ցույց տալու համար ծախսում են իրենց ՀՆԱ-ի 1-2%-ն այն դեպքում, երբ ՇՄ-ին հասցված վնասի արժեքը տարեկան կազմում է միջին հաշվով նրանց ՀՆԱ-ի 4-6%-ը:

Այսպիսով, կարելի է ասել, որ բնապահպանության ոլորտի օրենսդրական հենքը ձևավորված է, սակայն այն բարեփոխման և ամրապնդման կատարելագործման կարիք ունի, որը պայմանավորված է՝

- երկրի տնտեսաիրավական հարաբերությունների արագ փոփոխություններով և դրա շրջանակներում ընդունված օրենսդրության անհամապատասխանությամբ և հակասություններով,
- միջազգային պայմանագրերի շրջանակներում երկրի կողմից ստանձնած պարտավորությունների կատարումն ապահովող օրենսդրական ակտերի անկատարությամբ ու բացթողումներով,
- ժամանակի պահանջներին չհամապատասխանող գործիքների ու մեխանիզմների կիրառմամբ, իսկ որոշ դեպքերում՝ դրանց իսպառ բացակայությամբ:

Սակայն, ընդհանուր առմամբ, բնապահպանության ոլորտում վերջերս խստացվել են օրենքները: Կարևորում ենք Հայաստանում գործող բնապահպանական օրենսդրության առանձնահատկությունները և վերջին շրջանի փոփոխությունները: Իհարկե, առաջինը Սահմանադրությունն է, որում հստակորեն ամրագրված է շրջակա միջավայրի պահպանության իրավունքը: Այնուհետև «Շրջակա միջավայրի» հիմունքները ու նաև բազում օրենքներ և օրենսգրքեր (մասնավորապես, «Բուսական աշխարհի մասին», «Կենդանական աշխարհի մասին», «Բնապահպանական վերահսկողության մասին», «Բնօգտագործման, բնապահպանական վճարների մասին», «Մևսման լճի մասին», օրենքները, «Ընդերքի», «Ջրային», «Հողային» օրենսգրքերը և այլն):

Հայաստանի Հանրապետությունը դեռևս չունի մի այնպիսի փաստաթուղթ, որն արտացոլի բնական ռեսուրսների և համակարգերի ռազմավարական օգտագործման և պահպանության հեռանկարային զարգացման բոլոր ուղիները: Բնապահպանության ոլորտում միակ փաստաթուղթը, որը կարելի է համարել ռազմավարական՝ Շրջակա միջավայրի պահպանության գործողությունների ազգային ծրագիրն է, որը սակայն չի համապատասխանում ժամանակակից պահանջներին, քանի որ ընդունվել է 8 տարի առաջ (1998 թ.-ին):

Իհարկե, ներկայումս գոյություն ունեն մոր ընդունված ռազմավարական փաստաթղթեր, որոնք սակայն կարող են գործել միայն սահմանափակ շրջանակներում: Օրինակ՝ 2005թ.-ի մայիսի 3-ին ընդունվեց «Ջրի ազգային քաղաքականության հիմնադրույթների մասին» ՀՀ օրենքը: Սա ջրային ռեսուրսների և ջրային համակարգի ռազմավարական օգտագործման և պահպանության զարգացման հայեցակարգն է:

Ցանկալի կլինեք, որպեսզի ՀՀ բնապահպանության նախարարության կողմից մշակվեն մոր հայեցակարգ, իսկ առանձին ոլորտներում մշակված ռազմավարական փաստաթղթերը կարող են օգտագործվել որպես հիմք: Հայեցակարգը կարող է ընդգրկել հետևյալ ոլորտները՝ ջրային ռեսուրսների պահպանության, կենսաբազմազանության, քաղաքների կառավարման, հողային ռեսուրսների, էկոլոգիայի, հասարակության իրազեկման, անտառային ռեսուրսների կառավարման, օդային ավազանի պահպանության, միջազգային համագործակցության, շրջակա միջավայրի և առողջապահության:

Այս շրջանակներում ցանկալի կլիներ ՀՀ բնապահպանության ու կրթության և գիտության նախարարությունների համագործակցությամբ ստեղծել երիտասարդական համաձայնություն, որը կզբաղվեր բնապահպանական ռազմավարության իրականացման ուղղված հարցերով: Մասնավորապես՝

- երիտասարդների դերի բարձրացմամբ բնապահպանական խնդիրների լուծման գործընթացում: Օրինակ, բուսերում թափոնների տեսակավորում, թղթի հավաքում՝ որպես երկրորդային հումք օգտագործելու նպատակով: Գործընթացը նպատակահարմար է իրականացնել Ոսանողական խորհուրդների աջակցությամբ,
- միջազգային ծրագրերի իրականացում օտարերկրյա մասնատիպ երիտասարդական կառույցների հետ համատեղ,
- բնակչությանը՝ մասնավորապես երիտասարդությանը ապահովել համապատասխան տեղեկատվությամբ՝ էլեկտրոնային կայքի ստեղծմամբ:

Բնապահպանական ռազմավարությունը պետք է ներառի նաև էկոկրթությունը: Կարելի է էկոլոգիային վերաբերող էլեկտրոնային խաղերի միջոցով դաստիարակել աճող սերնդի մեջ բնության նկատմամբ սեր, այն պահպանելու և գերշահագործումից «փրկելու» ձգտումներ: Սա աշակերտների, ուսանողների, ինչպես նաև մեծահասակների մեջ կսերմանի սեր բնության հանդեպ: Ծրագրի իրականացման համար ֆինանսական միջոցների բացակայության դեպքում կարելի է դիմել դոնոր կազմակերպություններին՝ աջակցության համար: Էլեկտրոնային խաղը նպատակահարմար է կիրառել դպրոցական և/կամ բուհական ուսումնական ծրագրերում:

Հայաստանը բնութագրվում է մարդկային զարգացման բարձր մակարդակով և այդ առումով գերազանցում է մասնատիպ տնտեսական զարգացում ունեցող երկրների մեծ մասին: Դա խիստ կարևոր նախապայման է, քանի որ ժողովուրդն ինքն է ձգտում հասնել նշանակալի առաջընթացի և ցանկանում է ունենալ մարդկային զարգացման իր մակարդակին ավելի հարիւր տնտեսական իրավիճակ: ՀՀ-ում իրականացվող էկոլոգիական քաղաքականության շնորհիվ միջազգային հանրության կողմից ցուցաբերվող աջակցությունը նույնպես կարևոր առավելություն է: Իսկ կառավարության խնդիրն է ստեղծել լավագույն պայմաններ այդ հարաբերական առավելությունների լիարժեք օգտագործման և դրված նպատակներին հասնելու համար:

ՖԵԼԻՔՍ ԳԵՎՈՐԳՅԱՆ

*ՀՀ ԳԱԱ Մ.Զորանյանի անվան տնտեսագիտության
ինստիտուտի գիտաշխատող, աշխ.գ.թ.*

ԴԻԱՆԱ ՍԱՐԱՅՅԱՆ

*ՀՀ ԳԱԱ Մ.Զորանյանի անվան տնտեսագիտության
ինստիտուտի աշխատակից*

ՀՀ ՀՅՈՒՄԻՍԱԶԻՆ ՍԱՐՋԵՐԻ ԲՆՕԳՏԱԳՈՐԾՄԱՆ ՀԱՐՑԵՐԻ ՇՈՒՐՋ

Ցանկացած երկրի տնտեսության զարգացման համար հսկայական նշանակություն ունի ընդերքից օգտակար հանածոների կորզումը, որոնք հանդիսանում են տվյալ երկրի անկախության, ազգային հարստության և հզորության հիմնական չափանիշները:

Հայաստանի Հանրապետության տարածքում հայտնի են շուրջ 60 տեսակի օգտակար հանածոների արդյունաբերական պաշարներով 565 հանքավայր, որոնց տնտեսական համախառն արժեքն ընդերքում գնահատվում է ավելի քան 120 մլրդ. ԱՄՆ դոլար:

«Բնության հարստությունները մեծ են, սակայն անսահման չեն: Բնության զանգեղի խելացի շահագործումը, բազմապատկելով նրա ռեսուրսները, հաշվի առնելով հասարակության բոլոր պահանջները՝ գիտական խոշորագույն հիմնահարց է: Այդ հիմնահարցի կարևորագույն բաղկացուցիչ մասը բնության վերափոխման և շահագործման նախագծերի համակցումն է նրա պահպանության հետ»¹:

1995թ. հանրապետությունում իրականացվեց վարչատարածքային բարեփոխում, որն անմիջական ազդեցություն ունեցավ երկրում իրականացվող տարածքային քաղաքականության բովանդակության և մոտեցումների վրա: Վարչատարածքային միավորների թիվը 37-ից կրճատվեց՝ հասնելով 11-ի (այդ թվում՝ Երևան քաղաքը մարզի կարգավիճակով), ընդլայնվեցին վերջիններիս իրավունքները, մեծացավ յուրաքանչյուր միավորի բնառեսուրսային և ժողովրդագրական ներուժը, հետևապես նաև տնտեսական զարգացման հնարավորությունները:

Յուրաքանչյուր տարածաշրջանի տնտեսական զարգացման, արտադրողական ուժերի տեղաբաշխման կարևոր դեր խաղացող նախապայմանն են նրա տարածքի չափերը, մակերևութի կառուցվածքը, կլիմայական պայմանների առանձնահատկությունները: Արդյունաբերության զարգացման համար, այդ նախապայմաններից բացի, շատ խոշոր դեր խաղացող նախադրյալ է գործում է հումքային ռեսուրսների առկայությունը:

Հայաստանի Հանրապետության տնտեսության անցումը կենտրոնացված պլանավորումից դեպի շուկայական տնտեսական հարաբերություններ կոչված էր կարճատև, միջին և երկարատև հեռանկարում բարելավելու երկրի ոչ միայն տնտեսական վիճակը, այլև նպաստելու նրա բնական միջավայրի էկոլոգիական իրավիճակի կայունացմանը:

Պետական բնապահպանական քաղաքականության նպատակն է ապահովել քաղաքացիների սահմանադրական իրավունքը բարենպաստ շրջակա միջավայր, հաստատուն բնապահպանական հավասարակշռության ապահովում: Այդ նպատակներին հասնելու համար մոտ ապագայում կբարելավվի տարածաշրջանների

¹М.П.Толстой "Человек — преоткрыватель природы". Москва:Недра 1984г. стр. 41.